

05. maj 2017

Inatsisartut Suleriaasianni § 36 naapetorlugu matumuuna apeqquteqaat aallavigalugu Inatsisartut oqallinnissaanut siunnersuut saqqummiuppara:

Illoqarfiup najugaqarfigisap avataanut peqqissariartorluni nakorsiartup toqukkut qimagunerani illoqarfigisaanut angerlaannerani ilaquataasut atuligaannik qanoq iliorluni oqilisaasogarsinnaanersoq pillugu apeqquteqaat aallaavigalugu Inatsisartut oqallinnisaannik siunnersuut.

(Inatsisartunut ilaasortaq Vivian Motzfeldt, Siumut)

Qulequtaq imaanaangitsoq, ilaqutariippassuit atorsaateqareerlutik suli qaavatigut artukkiissutaa ngaartartoq inuiaqatigiinnili ersarissumik oqallisigineqanngitsoq isumaqarpunga tamatta pisussaaf-feqarfigigipput eqqartueqataaffigissallugu.

Tamatta nalunngilluarparput nunasseriaatsitta amerlasuutigut iluaqutissarsisittarlutalu artukkerfeqartittaraatigut.

Inuppassuit nappaammik eqqugaanertik tunngavigalugu sumiiffigisami katsorsarneqarsinnaanngikkaangamik aallarunneqartarput katsorsaannikkut periarfissaginnerusumut ingerlanneqartarlutik.

Amerlaqaat nunarput qimallugu qallunaat nunaannut imaluunniit Nuummut aallarunneqartut, ilarpassuulu nunartik qimanneqanngisaannarlugu katsorsartikkiartornermini, piffissami qanimanartorsiornermini ilaqquttatik qanigisatik avatangiiserlu toqqissisimanartitartik qimallugit aallartarput.

Tamatta takorloorsinnaavarput atukkat qanoq imaanaanngitsigisarsimani, qujanaqaarlu amerlasoorpassuit peqqissillutik utertarput tamannalu tamatsinnut qujanartuuvoq, ilaqarpulli ajoraluurtumik nappaammik aniguinngitsoorlutik ungasingaartumi avatangiisimik sungiusimannngilluinnakka-minni ilaqquttaminnik avatangiiseqaratik inuunerminnik kipisisariaqartartunik, tassaniipporlu qulequtaq tikinniagara.

Ilaqutariippassuit taamak nalaataqartartut tassaapput اساسمىنىك annasaqarlutik artorsangaarneranni suli qaavatigut artukkigaangaarlutik inissisimasartut, ullumikkummi pissutsit imaapput inuup

ilerra qallunaat nunaanniit nunatsinnut angerlaatissagukku minnerpaamik 40.000 kr-inik naleqarpoq, suli akisunerungarpoq sumiiffinnut isorliunerusunut angerlaassineq.

Aamma taamaappoq inuit maani nunatta illoqarfittut pingaarnertut inissisimaffianni taamak nalaa-taqartut. Kikkut inuit akissaqarpat iliviutiminnik angerlaassinissaminnut, saniatigut nappaammik eqqugaanermi ilaqutariit aningaasaqarnermikkut nalunngilarput qanoq annertutigisumik eqqugaa-reertartut.

Tamaammat qulequtaq pingaaruteqarmat oqallisigineqartariaqartutullu isigigakku qaqqippara, isuma-qarlungalu inuiaqatigiittut ikioqatigiinnitsigut tamakku oqinnerusumik iluarsartuussiffigineqarsin-naasut. Tassami qanorluunniit ikkaluarpat timmisartog ingerlasussaavoq, aamma taamaappoq umiar-suaq assartuut.

Isumaqarpunga pisortat suliffeqarfinnut ilaatigut uagut nammineq pigisatsinnut timmisartuutileqati-giiffimmullu ilaannakortumik piginneqataaffigisatsinnut isumaqatiginninniartariaqartut, taamaalior-nikkut akeqanngitsumik angallassisinnaaneq imaluunniit tamanna ajornavissappat aki tamanut nammakkuminarnerusoq ujartuiffigineqartariaqartoq nanineqartariaqartorlu.

Inuiaqatigiittut susassareqatigiippugut inuit inuiaqatigiittullu aaqqissuussimanerput ataatsimoorfi-gaarput. Oqartarnerattuut tamatta umiarsuup ataatsip iluani ippugut.

Taamak saqqummiussaqaarlunga neriutigaara oqallinneq ersarissumik siunnerfimmik tikkuussis-sasoq, oqallilluarisi.